





殺。羅傑傑等八員，該部紀錄。

為此 一咨工部 一附付上

崇禎十三年二月二十四日，兵部行稿一件，為申飭塘報，以軍機事。據遼東總兵祖大壽塘報：為緊急軍情事等因到部。……已奉旨行矣。該鎮以十六日發報，至二十四日方到，事關軍機，豈容遲滯乃爾！此提塘遲誤不小，相應嚴飭確察，以儆玩愒。……為此，一

諭。如再遲誤時刻，定以違誤軍機，究罪不貸。

崇禎六年四月，兵部抄出一件，欽差監視朝鮮餉兵馬撫賞事務張國元題，為密報事。本

月二十日亥時，准寧前道陳新甲塘報前事內稱：十三日戌時，據前差內丁王清民等稟稱：十稔清寧哨至大小黑山，登山瞭見遼賊遁回，在中遼河地方，牧放馬匹，沿河俱有烟火等情到道，塘報到臣。……理合具題。奉旨：兵部知道。

崇禎六年三月，兵部抄出一件，欽差鎮守居庸昌平等處地方總兵官太子少保陳洪範謹奏：

北京大學整理清 要件 五九七 整理檔案會編 代內閣檔案報告 不詳 轉載

為恭謝天恩，並陳愚悃，以安臣分事。一月十九日奉旨：逆賊被擒，尚稽殲滅，乃葉開立解，黃色恢復，內外文武將吏，勞績可嘉，爾宜先叙，以昭激勵。內有陳洪範陳太子少傅，免戴罪，欽此！……伏念臣荷蒙專遣，屬以東征，仰仗天威不赫，戮力齊心，倖獲漏免前愆，已感皇恩浩蕩。再蒙優加職銜，愧莫敢承。伏望皇上收回成命。……謹具奏聞。奉旨：

陳洪範以捷勞酬叙，着即祇遵成命，益奮後功，不准辭。兵部知道。

崇禎六年四月，兵部抄出一件，欽差提督軍務兼理遼寧巡撫天津等處地方，兵部右侍郎鄭

宗周題：『為島兵需糧正切，海運防護宜周，謹恭報開洋之期，裝載之法，上慰聖懷。此時臣近聞塘報，知叛賊遁泊於雙島小半之間，島帥黃龍仰仗天威，以兩艘大提馳告矣。此時軍中望報，不知如何急迫。臣職司輪輓，安敢不及時接濟。但今日運糧非難，運糧而保無梗阻之為難。……臣聚鎮臣巢不昌道臣劉大猷等，詳籌商議，定於四月一日，選堅固紅三十四號，每紅可裝糧千石者，止裝八百，可裝八百者，止裝七百五十石運旅，使不見有轉

重之形，且便於乘風飛轉。挑水兵三百六十名，水手四百五十名，分派各船。擇熟識海道，曉通兵法之總運參將張元昌以統之。共計運糧三萬三千二百九十石有奇，於四月四日啟行。……然所發之紅，急俟回津，以供關門二三運之用者。倘萬一被中紅少，需此紅為一臂之助，亦當速令一半回津，以免誤運事。……臣不勝悚息待命之至。……奉旨：

知道了。飭到旅，即着該鎮作速發回，毋得稽延，致誤關連，該部知道。

崇禎十三年五月二十九日，兵部題稿一件（附行），為塘報夷情事。據山東協分總兵官曹變蛟塘報內稱：『竊職奉總督劉遠洪軍門派駐前屯，聽候調遣，職道奉暫駐。忽於五月二十二日據東路哨探報稱：「中後所，高家堡，花兒營，各有遼賊游蹤，似有入犯等情。職前督兵飛馳，至沙河站。據駐防中後所中營副將朱國儀，千總趙三印口報：「有遼賊一千五百餘騎，自花兒營至黃土壩，割營四處，分為三股，一股正扑中後所北門，朱副將同主客將兵，督令奮力衝打，賊未深入，隨從原路去訖」等語。……又據永國儀塘報：「據撥丁賈應奎等三十名，往東路哨探回稱：「奴賊順邊，深至清山子，分股窺犯」等情。

北京大學整理清 要件 五九八 整理檔案會編 代內閣檔案報告 不詳 轉載

據此，本職隨傳令遊擊劉一璋等，商中後所防務，東北面發把，九里營四砲手三百名，在城下一帶把守，正東發千總馬虎帶砲手三百餘名設伏，遇賊連放火砲，將賊打退，西南面發中軍馬永忠帶砲手二百餘名，遇賊連放火砲，奴即敗退。正南面奴賊亦被大砲擊退。……理合塘報」等因到部。謹具本題知。奉旨：

知道了。奴騎分犯，明係更番疲我。曹變蛟着暫留相機堵剿，不得剽竄。該部知道。

為此 一咨劉遠洪督 一附付曹變蛟

崇禎六年四月，兵部抄出一件，吏部尚書李長庚題：我遵旨直隸，以應事。廣西巡撫察御史趙繼鼎題前事等因。奉旨：趙繼鼎前疏，明指陶廷璠賄賂，今何藉口風聞？以後但有情弊，還着據實具奏。其吳橋致變知縣，係何人，該部查明來報！……當即移咨兵部，備查去後。今准該部咨回，查稱：『吳橋縣知縣畢自寅申稱：「本縣前奉山東巡撫山海兵丁，陸續過境，并無遲留。乃於閏十一月三十日，有領兵官孔有德等及兵丁六七百名，到縣宿歇。次日飯後北行，至教場內，忽然扎住，網住將官，口稱未支餉銀，許備方備，